

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, საქართველოს შინაგან საქმეთა მინისტრის 2016 წლის 25 მაისის N268 ბრძანების საფუძველზე, წარმოდგენილი ეკონომიური დეპარტამენტის დირექტორის მოადგილის მურთაზ სიჭინავას სახით და მეორეს მხრივ მიმწოდებელი: შპს „ფიფქია“ (საიდენტიფიკაციო კოდი: 217874334, მისამართი: ქ. გორი, დამბარაულის ქ. #2, ტელეფონი: 551 93-26-02, საბანკო რეკვიზიტები: სს "თიბისი ბანკი" – ბანკის კოდი: TBCBGE22, ა/ა: GE73 TB79 5473 6020 1000 01), დირექტორი ალექსანდრე ჩუტკერაშვილი, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის „სახელმწიფო შესყიდვების შესახებ“ საქართველოს კანონის შესაბამისად, 2017 წლის სახელმწიფო ბიუჯეტის დაფინანსების ფარგლებში შინაგან საქმეთა სამინისტროს მიერ გამოცხადებული SPA170004788 ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტრო;

1.1.4. "მიმწოდებელი" - შპს „ფიფქია“.

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული საქონელი.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ SPA170004788 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

2.1. წინამდებარე ხელშეკრულების დანართი N1-ით განსაზღვრული ნაყინის შესყიდვა (CPV15500000).

3. შესყიდვის ღირებულება

3.1. ხელშეკრულების საერთო ღირებულებაა: 17280 (ჩვიდმეტიათას ორას ოთხმოცი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. მიწოდების პირობები

4.1. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით, დანართი N1-ით განსაზღვრული ვადების შესაბამისად.

4.2. მიმწოდებელმა უნდა უზრუნველყოს შესყიდვის ობიექტის ადეკვატური შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვის სახეობა, თითოეული ფუთი გაბარიტი და წონა უნდა შეესაბამებოდეს დადგენილ სტანდარტებს.

4.3. წარმოდგენილი პროდუქცია უნდა შეესაბამებოდეს საქართველოში მოქმედ კანონმდებლობას, სტანდარტებს, სურსათის ეროვნული სააგენტოს მიერ დადგენილ ნორმებს და სანიტარულ-ჰიგიენური წესებს, დაუშვებელია სახეობისთვის დამახასიათებელი დავადების არსებობა.

5. შესყიდვის ობიექტის ნაკლი

- 5.1. მიმწოდებელი შესყიდვის ობიექტის ხარისხზე მიწოდების დასრულებიდან იძლევა გარანტიას, მის მიერ შემოთავაზებული პროდუქციის ხელშეკრულებით გათვალისწინებულ ტექნიკურ პარამეტრებთან შესაბამისობის შესახებ.
- 5.2. შესყიდვის ობიექტის ხარვეზის გამოვლენის შემთხვევაში, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 1 (ერთი) კალენდარული დღის ვადაში აღმოფხვრას ხარვეზი, შემსყიდველის მხრიდან დამატებითი დანახარჯების გაწევის გარეშე.
- 5.3. მიწოდებული შესყიდვის ობიექტი უნდა იყოს უფლებრივად და ნივთობრივად უნაკლო, წინააღმდეგ შემთხვევაში ხელშეკრულების მოქმედების ნებისმიერ ეტაპზე და ასევე, მისი მოქმედების დასრულების შემდგომ, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 3 (სამი) კალენდარული დღის ვადაში გამოასწოროს ნაკლი ან შეცვალოს ნივთობრივად და უფლებრივად უნაკლო შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.
- 5.4. ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ნაკლის არსებობის შემთხვევაში, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 1 (ერთი) კალენდარული დღის ვადაში გამოასწოროს ნაკლი, შემსყიდველის მხრიდან დამატებითი დანახარჯების გაწევის გარეშე.
- 5.5. მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

- 6.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი) კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს კვების პროდუქტების მოთხოვნების დაზუსტების და მარაგებით უზრუნველყოფის სამსახურის მთავარი სპეციალისტი ნანა ჭარელი.
- 6.2. ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.
- 6.3. ინსპექტირების მიზნით, ხელშეკრულების გაფორმებიდან 3 (სამი) სამუშაო დღის ვადაში მიმწოდებელი ვალდებულია წარუდგინოს შემსყიდველი ორგანიზაციის ინსპექტირების ჯგუფს მისაწოდებელი საქონლის ეგზემპლართან ერთად სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან საქართველოში სხვა აკრედიტაციის მქონე ლაბორატორიის დასკვნის დედანი, რომელშიც მითითებული იქნება ინფორმაცია შემოთავაზებული პროდუქტის ტექნიკურ პირობებთან შესაბამისობის შესახებ, ასევე ხარისხის ან შესაბამისობის დამადასტურებელი სერტიფიკატი.
- 6.4. ინსპექტირების მიზნით წარმოდგენილი ეგზემპლარ(ებ)ის, ან/და სერტიფიკატის, ან/და ექსპერტიზის დასკვნების წარმოდგენლობის ან/და მათი ხელშეკრულებით გათვალისწინებული მოთხოვნებთან შეუსაბამობის შემთხვევაში შემსყიდველი ორგანიზაცია უფლებამოსილია მხოლოდ ერთხელ, განუსაზღვროს მიმწოდებელს დამატებითი, გონივრული ვადა (წერილობითი შეტყობინებიდან არაუმეტეს 3 (სამი) სამუშაო დღე) არსებული ხარვეზის აღმოსაფხვრელად ან/და ახალი ექსპერტიზის დასკვნის წარმოსადგენად ან/და სერტიფიკატის წარმოსადგენად, რისთვისაც დანახარჯების გაწევა ევალება მიმწოდებელს. აღნიშნული ვადის გადახედვა შესაძლებელია მხოლოდ, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).
- 6.5. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.
- 6.6. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.
- 6.7. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.
- 6.8. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.
- 6.9. ხელშეკრულების გაფორმების შემდეგ მიმწოდებელი ყველა საკითხზე მიმართავს შსს ლოჯისტიკის დეპარტამენტს, (დაზუსტდება ხელშეკრულების გაფორმების დროს) მათ შორის ხელშეკრულებაში ცვლილების განხორციელებასთან დაკავშირებით (მაგ: ვადის გადაწევა, მიწოდების ადგილის, მწარმოებლის, წარმოშობის ქვეყნის ცვლილება და ა.შ.).

7. შესყიდვის ობიექტის მიღება-ჩაბარების წესი

7.1. მისაწოდებელი შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. შესყიდვის ობიექტის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.

7.2. ამ ხელშეკრულების მიზნებისათვის მიწოდებად არ ითვლება ნაკლიანი ან ხელშეკრულებით გათვალისწინებულ მოთხოვნებთან შეუსაბამო შესყიდვის ობიექტის წარმოდგენა. ასეთ შემთხვევაში აღნიშნულზე მიღება-ჩაბარების აქტი არ ფორმდება.

7.3. მიწოდებული პროდუქციის ხარისხის კონტროლს და მიღება-ჩაბარებას ახორციელებენ სათანადოდ უფლებამოსილი პირ(ებ)ი კერძოდ:

> სუს სპეციალური ოპერაციების დეპარტამენტის შტაბის (მთავარი სამმართველო) G-4 ლოჯისტიკური უზრუნველყოფის განყოფილების უფლებამოსილი პირ(ებ)ი;

> შსს ცენტრალური კრიმინალური პოლიციის დეპარტამენტის, სპეციალური ღონისძიებების სამმართველოს უზრუნველყოფის განყოფილების უფლებამოსილი პირ(ებ)ი.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. დაფინანსების წყარო - 2017 წლის სახელმწიფო ბიუჯეტი.

8.2. უნაღდო - ანგარიშსწორების ფორმა - სტანდარტული.

8.3. ანგარიშსწორება შემსყიდველის მიერ მოხდება ეტაპობრივად, ფაქტობრივად მოწოდებული შესყიდვის ობიექტის მიხედვით. მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 20 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.4. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

8.5. უნაღდო - ანგარიშსწორების ფორმა ავანსი არ გამოიყენება.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

9.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.5. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

9.6. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.

9.7. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მოწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

9.8. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად და მოთხოვნილი ხარისხის შესაბამისად ხელშეკრულებით დათქმულ დროსა და ადგილას.

მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების პირობების ამ მუხლში.

10.3. თუ მიმწოდებელი, დამატებით ვადაში არ წარმოადგენს ან ვერ უზრუნველყოფს ინსპექტირების მიზნით წარმოდგენილი ეგზემპლარისა და ექსპერტიზის დასკვნა(ებ)ის შესაბამისობას ხელშეკრულების პირობებთან, შემსყიდველი უფლებამოსილია შეწყვიტოს წინამდებარე ხელშეკრულება.

10.4. თუ მიმწოდებელი ხელშეკრულებით გათვალისწინებული შესყიდვის ობიექტის მიწოდების პირობებს ვერ შეასრულებს (შესრულების ვადა, ხარისხი) ან/და დაარღვევს კეთილსინდისიერების პრინციპს, შემსყიდველი უფლებამოსილია:

ა) მიმწოდებლის მიერ ხელშეკრულების არაჯეროვანი შესრულებისათვის შეწყვიტოს წინამდებარე ხელშეკრულება.

ბ) ხელშეკრულების დანართი N1-ით განსაზღვრული შესყიდვის ობიექტის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში, მიმწოდებელს ყოველ ვადაგადაცილებულ დღეზე დააკისროს პირგასამტეხლო ხელშეკრულების ღირებულების 0,5%-ის ოდენობით.

გ) თუ კი პირგასამტეხლოს ოდენობა მიაღწევს ხელშეკრულების საერთო ღირებულების 5% და იგი ვერ განაზოგოვანებს შესყიდვის ობიექტის სრულად მოწოდებას და/ან არ გამოასწორებს აღმოჩენილ ხარვეზს (ასეთის არსებობის შემთხვევაში) შემსყიდველი უფლებამოსილია შეწყვიტოს წინამდებარე ხელშეკრულება. აღნიშნული ვადის გადახედვა შესაძლებელია მხოლოდ, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

10.5. ხელშეკრულების შეწყვეტის შემთხვევაში, მომწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით.

10.6. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება და აუნაზღაუროს მიმწოდებელს ფაქტიურად მიღებული შესყიდვის ობიექტის ღირებულება:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას; ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება; (არსებობის შემთხვევაში).

დ) საქართველოს კანონმდებლობით გათვალისწინებულ სხვა შემთხვევებში

10.7. ხელშეკრულების შეწყვეტა ან/და საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულების შესრულებისაგან.

10.8. შემსყიდველს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულების შეუსრულებლობით.

11. ხელშეკრულების მოქმედების ვადა

11.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და

ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

14. სხვა დებულებები

14.1. ხელშეკრულება შედგენილია ქართულ ენაზე ოთხი თანაბარი იურიდიული ძალის მქონე ეგზემპლარად.

14.2. ხელშეკრულება ძალაში შედის ხელმოწერისთანავე.

შემსყიდველი ორგანიზაცია

საქართველოს შინაგან საქმეთა სამინისტროს

ეკონომიკური დეპარტამენტის დირექტორის მოადგილე

მურთაზ სიჭინავა

მიმწოდებელი ორგანიზაცია

შპს „ფიფქია“

დირექტორი

ალექსანდრე ჩუტკერაშვილი



ფასების ცხრილი

#	CPV - კოდი	საქონლის დასახელება (მისაწოდებელი საქონლის წარმოშობის ქვეყნის, მწარმოებელი ფირმისა და ტექნიკური მახასიათებლების მითითებით)	განვ	რაოდ	ერთ. ფასი (ლარი)	საერთო ღირებულება (ლარი)	მიწოდების გრაფიკი და მიწოდების ვადა	მიწოდების ადგილი
1	00000000	ნაყინი ვაფლის ჭიქაში (თეთრი ფერის - სეზონის მიხედვით), კანოლის არმატით, წონა 50გრ (+/-5გრ) (ნაყინი არ არის დიეტური, დიაბეტური და სამკურნალო) 100გრ პროდუქტში ცილა არანაკლებ 2,5გ. ცხიმო არანაკლებ 8გ, ნახშირწყლები არანაკლებ 17,5გ. ნაყინის შიგთავსი დამზადებულია ადგილობრივი რძის ნაწილისა და შაქრის ფხვნილის გამოყენებით, ჯანმრთელობისათვის საშიში დანამატების გარეშე. თითოეული ნაყინის შეფუთვა იქნება პერმეაბლური პოლიმერული გარსისგან და დაფასებულია მუყაოს ყუთებში (ეტიკეტირება არის როგორც ყუთზე ასევე უშუალოდ ნაყინის გარსაგანზე საქართველოში მოქმედი კონტრაქტების მიხედვით დადგენილი მოთხოვნების 2013 წლის 31 გთვალისწინებით). შეფუთვა და ეტიკეტირება შესაბამისი საქართველოს მთავრობის 2013 წლის 31 დეკემბრის №441 დადგენილების ტექნიკური რეგლამენტის „სურსათის ეტიკეტირებისადმი დამატებითი მოთხოვნების შესახებ“ დამტკიცების თაობაზე მოთხოვნებს, ნაყინის ორგანული (ფერი, სუნი, გემო) მახასიათებლები შესაბამისობაშია. თეთრი, კანოლის არმატით ნაყინის ვაფლის ჭიქაში. მიკრობიოლოგიური და ქიმიური მაჩვენებლები, ასევე პროდუქტის ხარისხი, ეტიკეტირება, შეფუთვა/ტარა და ტრანსპორტირების პირობები (ტრანსპორტირება განხორციელდება შესაბამისი სატრანსპორტო საშუალებით/მაცივარ-მანქანით) სრულად აკმაყოფილებს საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს და სასტ 15684501-001-2014 მოთხოვნებს. მოწოდებული საქონლის დარჩენილი ვარგისიანობის ვადა უნდა იყოს საერთო ვადის არანაკლებ 50%.	36	2 700	6,40	17 280,00	3 დღეში ერთხელ (შემსყიდველთან წინასწარ შეთანხმებული გრაფიკის შესაბამისად)	ქ. თბილისი 2 მისამართზე
		ჯამი შეადგენს				17 280,00		

შემსყიდველის მხრიდან
მუერთაზ სიჭინავა
შინაგან საქმეთა სამინისტროს
ეკონომიკური დეპარტამენტის დირექტორის მოადგილე

მიმწოდებლის მხრიდან
ალექსანდრე ჩუტუკუაშვილი

